



Aayar n sig mam zugu, Aaya-kāngā n noom maam n yuud dūni wā zānga

Yii a Anas [bn Maalik nengē, (Wënd yard be a yīnga) a yeelame: Wënd koεgā sēn wa n sigi: {Ad Tōnd pakame n kō foom, pakr sēn yaa vēenega (Hudaybiya zems-n-taarā). Bul yīng tī Wënd na yaaf foom f zūnuub-rāmb} {Bul yīng t'A na kēes Muumin-roapā la Muumin-pogsā arzān-rāmbē, tī ko-sood zoet b tēngre, tī b yaa duumdb a pugē, la A yaaf-b b yel-wēna, la rēnda yu Wënd nengē n yaa puur sēn yaa bedre} [Al-fath (Pakrā suura):1-5]. A sēn wa n lebg Hudaybiyya n watē wā, tī sahaabsā yaa sū-sāang la yēems n tar-ba, rē tī b kuub yugmā Al-hudaybiyya, a yeelame: «Aayar n sig mam zugu, Aaya-kāngā n noom maam n yuud dūni wā zānga».

[Naşun Şahuhun (Gom-sikdem sēn manege)] [A Muslim n togs-a]

A Anas [bn Maaliki (Wënd yard be a yīnga) kōo kibare, tī Wënd koεgā (A Naam zēk yā) sēn wa n sig Wënd Tēn-tuumā zugu (Wënd puusg la A tīlgr be a yīnga): {1. Ad Tōnd pakame n kō foom, pakr sēn yaa vēenega (Hudaybiya zems-n-taarā). 2. Bul yīng tī Wënd na yaaf foom f zūnuub-rāmb sēn reng taor la f zūnuub-rāmb sēn na n yaoole, la A pids A neema wā fo zugu, la A kāndg foo sor sēn ya tīrga. 3. La Wënd sōng foo sōngr sēn tar pānga. 4. Yē la Soab ning sēn sik yīn-yōgnegā muumin-rāmbā sūyē, bul yīng tī b na paas liimaoong n lagem b liimaoongā. La Wënd n so saas la Tēng tāpo, la Wënd yume n yaa Mit n yaa buud nimim Naaba. 5. Bul yīng t'A na kēes Muumin-roapā la Muumin-pogsā arzān-rāmbē, tī ko-sood zoet b tēngre, tī b yaa duumdb a pugē, la A yaaf-b b yel-wēna, la rēnda yu Wënd nengē n yaa puur sēn yaa bedre. [Al-fath (Pakrā suura):1-5]. A sēn wa n lebgd Al-Hudaybiyya wā, tī b gidg-ba tī b ka tōog n na n maan 'Umrā wā, sabab ning zems-n-taarā sēn yī woto wā, tī sahaabsā rag n tēed tī rē ka manegr ne lūslaambā, tī b kood b rūmsā n lebg n na n kuili n ka ta Maka, la Wënd Tēn-tuumā yeel yā (Wënd puusg la A tīlgr be a yīnga): Ad b sika mam zugu, Aayare a nonglemā yūda dūni la sēn be a pugē fāa gilli rē poorē t'a karem-a.

<https://sunnah.global/hadeeth/mos/show/65787>

